

尚書大傳

四部叢刊初編經部

尙書大傳定本序

尙書大傳四十一篇見漢書藝文志鄭康成序謂出自伏生至康成詮次爲八十三篇隋書經籍志唐書藝文志崇文總目郡齋讀書志並著錄三卷唐志別出暢訓一卷疑卽略說之譌舊唐志直云尙書暢訓三卷伏勝注繆甚自葉夢得見公武皆言今本首尾不倫直齋書錄解題言印板刊闕宋世已無完本迄明遂亡近人編輯有仁和孫晴川本德州盧雨本曲阜孔叢伯本孫盧本多殺舛孔氏善矣而分篇強復漢志之舊非也其他譌漏猶不免焉今覆加稽覈楊所據依稍參愚管而爲之案三卷首爲序錄一卷其所芟除別爲訂誤一卷末載漢書五行志綴以它書所引劉氏五行傳論三卷總爲八卷序曰伏生以明經爲秦博士漢孝文時年且百歲計其生在周末得見詩書古文且博識先秦舊書雅記多漢諸儒所未聞遭時燔災明哲退隱祿祚既顯守道不出初抱百篇藏之山中漢興亡失求得二十九篇而九共帝告嘉禾揜詰衆命諸闕篇猶能言其作意述其佚句文帝命掌故鼂錯從受尙書而伏生亦自以二十九篇授張生歐陽生教於齊魯之間迄武宣世有歐陽

大小夏侯氏立學官是爲今尙書孔安國晚得壁中古文多逸書十六篇顧絕無師說終漢之世獨傳二十九篇而已何則二十九篇今文具存文字異者不過數百其餘與古文大指略均足相推校逸十六篇既無今文可攷遂莫能盡通其義凡古文易書詩禮論語孝經所以傳悉由今文爲之先驅今文所無輒廢古春秋左氏傳賴張蒼先修其業故傳禮古經五十六卷傳士禮十七篇與后戴同而二十九篇逸禮竟廢書亦猶是也向微伏生則唐虞三代典謨諸命之經煙銷灰滅萬古長夜夫天爲斯文篤生名德期頤之壽以昌大道豈偶然哉尙書今學精或不逮古文然亦各守師法賈逵以爲俗儒康成以爲嫉此蔽目不悛迺謂當時博士末師破碎章句之過而伏生大傳條撰大義因經屬指其文辭爾雅深厚最近大小戴記七十子之徒所說非漢諸儒傳訓之所能及也康成百世儒宗獨注大傳其釋三禮每援引之及注古文尙書洪範五事康誥孟侯文王伐崇桀者之歲周公克殷踐奄之年咸據大傳以明事豈非閎識博通信舊聞者哉且夫伏生之學尤善於禮其言巡狩朝覲郊尸迎日廟祭族燕門塾學校養老擇射貢

士考績郊遂采地房堂路寢之制后夫人入御太子迎問諸侯之法三正之統五服之色七始之素八伯之樂皆唐虞三代遺文往往六經所不備諸子百家所不詳漢始定天下庶事卿卿獨一叔孫通略定制度雜以秦儀若迺正朔服色郊望宗廟之事數世猶未章焉假令當高帝時伏生年未篤老尊其高節安車禮徵與張蒼等考舊章立經制議禮樂則魯兩生息面訣違古之誚絳灌諸臣混年少紛更之譏規撫粗定然後繼以賈誼董仲舒河間獻王王吉劉向之倫先後討論法象明備成康之治何必不復見西京今其書散佚十無四五猶可寶重宋朱子與勉齋黃氏纂儀禮經傳通解據摭大傳獨詳蓋有裨禮學不虛也五行傳者自夏侯始昌至劉氏父子傳之皆善推禍福著天人之應漢儒治經莫不明象數陰陽以窮極性命故易有孟京卦氣之候詩有翼奉五際之要春秋有公羊災異之條書有夏侯劉氏許商李尋洪範之論班固本大傳摭仲舒別向歆以傳春秋告往知來王事之表不可廢也是以錄漢書五行志附於後以備一家之學云東越陳壽祺

尚書大傳卷一

序錄

史記儒林傳言尚書自濟南伏生漢書儒林傳漢與伏生者曰漢書儒林傳注引張晏曰伏生名勝伏氏碑云○案史記索隱曰案張華云名勝漢書云名勝漢書云名勝伏生碑云紀云字子賤華當為晏字之誤濟南人也故為秦博士孝文帝時欲求能治尚書者天下無有乃聞伏生能治欲召之是時伏生年九十餘矣不能行於是乃詔太常使掌故朝錯往受之秦時焚書伏生壁藏之其後兵大起流亡漢定伏生求其書亡數十篇獨得二十九篇即以教於齊魯之間學者由是頗能言尚書諸山東大師無不涉尚書以教矣伏生教濟南張生及歐陽生歐陽生教千乘兒寬兒寬通尚書以文學應郡舉諸博士受業受業孔安國張生亦為博士而伏生孫以治尚書徵不能明也自此之後魯周霸孔安國雒陽賈嘉頗能言尚書事漢書儒林傳同漢書藝文志尚書經二十九卷本注大小夏侯二家歐陽經三十二卷師古曰此二十九卷伏生傳授者○案漢志三字書亦作二誤今據玉海所引改傳四十一篇歐陽章句三十一卷大小夏侯解故二十九篇歐陽說義二篇劉向五行傳記十

一卷 許商五行傳記一篇

易曰河出圖雒出書聖人則之故書之所起遠矣至孔子纂焉上斷於堯下訖於秦凡百篇而爲之序言其作意秦燔書禁學濟南伏生獨壁藏之漢興亡失求得二十九篇以教齊魯之間訖孝宣世有大小夏侯氏立於學官 劉向以中古文校歐陽大小夏侯三家經文酒誥脫簡一名誥脫簡二率簡二十五字者脫亦二十五字簡二十二字者脫亦二十二字文字異者七百有餘脫字數十

漢書儒林傳顏師古注引衛宏定古文官書序云官舊作尚通金墳環若磨始陳韓昌黎集正其誤今从之伏生老不能正言言不可曉也使其女傳言教錯齊人語多與顏川異錯所不知者凡十二三略以其意屬讀而已

儒林傳贊曰自武帝立五經博士開弟子員設科射策勸以官祿訖於元始百有餘年傳業者浸盛支葉蕃滋一經說至百餘萬言案曰儒林傳言信都秦世延君增師法至百萬言桓譚新論亦云大師衆至千餘人益祿利之路然也初書唯有歐陽至孝宣世復立大小夏侯尚書

後漢書伏湛傳九世祖勝字子賤所謂濟南伏生者也 初自伏生已後世傳經學清靜無競故東州號

爲伏不關云

顏氏家訓書證篇曰孔子弟子處子賤爲單父宰卽慮義之後俗字亦爲宓或復加山今兗州永昌郡城舊單父地也東門有子賤碑漢世所立乃云濟南伏生卽子賤之後是處之與伏古來通字誤以爲宓較可知矣

案曰伏生既爲處子賤之後不應與其遠祖同字而史記索隱引漢紀以爲伏生字子賤恐卽因漢碑而展轉致誤漢碑固不誤也今漢紀無此文不知小司馬何據然范蔚宗後漢書贊云伏生名勝字子賤其名則是其字則非也胡本史記載索隱引漢紀作紀年引張晏作張華皆誤

尚書正義按伏生所傳三十四篇謂之今文則夏侯勝夏侯建歐陽和伯三家所傳及蔡邕所勒石經是也

隋志三家並立而歐陽是盛晉永嘉之亂歐陽大小夏侯尚書並亡

史記正義引七錄云三家至西晉並亡梅頤本尚書序伏生口以傳授裁二十餘篇伏生以舜典合於堯典益稷合於皋陶謨盤庚三篇合爲一

康王之誥合於顧命 經典釋文曰卽馬鄭所注二十九篇

案曰二十九篇古文分合皆與伏生本同惟顧命一篇馬分王出在應門以下爲康王之誥耳今之舜典古文今文皆合於堯典今之益稷古文今文皆合於皋陶謨蓋百篇固別有舜典益稷古文益稷作棄稷而漢世求之不得僞孔乃于堯典皋謨各謬析爲二篇也

漢書五行志董仲舒治公羊春秋始推陰陽爲儒者宗宣元之後劉向治穀梁春秋數其禍福傳以洪範與仲舒錯至向子歆治左氏傳其春秋意已乖矣言五行傳又頗不同 孝武時夏侯始昌通五經善推五行傳以傳族子夏侯勝下及許商皆以教所賢弟子其傳與劉向同唯劉歆傳獨異

漢書楚元王傳成帝卽位詔向領校中五經秘書向見尙書洪範箕子爲武王陳五行陰陽休咎之應向乃集合上古以來歷春秋六國至秦漢符瑞災異之記推述行事連傳禍福著其占驗比類相從各有條目凡十一篇號曰洪範五行傳論奏之 贊曰劉氏洪範論發明大傳著天人之應

漢書夏侯勝傳從始昌受尙書及洪範五行傳說災異 會昭帝崩昌邑王嗣立數出勝當乘輿前諫曰天久陰而不雨臣下有謀上者陛下出欲何之王怒謂勝爲妖言縛以屬吏更白大將軍霍光是時光與車騎將軍張安世謀欲廢昌邑王光讓安世以爲泄語安世實不言適召問勝勝對言在洪範傳曰皇之不極厥罰常陰時則下人有伐上者惡察察言故云臣下有謀光安世大驚以此益重經術士

漢書李尋傳治尙書獨好洪範災異

晉書五行志文帝時宓生創紀大傳其言五行庶徵備矣 班固據大傳采仲舒劉向劉歆著五行志宋書五行志伏生叔紀大傳五行之體始詳

水經注卷五河水篇漯水又東逕漢徵君伏生墓南碑碣尙存以明經爲秦博士秦坑儒士伏生隱焉漢興教於齊魯之間撰五經尙書大傳文帝安車徵之年老不行乃使掌故歐陽生等受尙書於徵君號曰伏生者也 案曰伏生本嘗編經別經掌故受尙書者乃愚儒非歐陽生水經注有誤

後漢書鄭玄傳凡所注周易尙書毛詩儀禮禮記論語孝經尙書大傳中候乾象歷又著天文七政論魯禮禘祫議六藝論毛詩譜駁許慎五經異議答臨

孝存周禮難凡百餘萬言

孝經序疏鄭志目錄記鄭之所注五經之外有中候

大傳七政論乾象麻六藝論毛詩諸答臨頌難周禮

許慎異義釋廢疾發墨守箴膏肓答甄守然等書

經典釋文序錄尚書大傳三卷伏生作

尚書經籍志尚書大傳三卷鄭玄注大傳音三卷顏

尚書洪範五行傳論十一卷漢光祿大夫劉向注伏生

尚書傳四十一篇以授同郡張生張生授子乘歐陽

生濟南伏生之傳惟劉向父子所著五行傳是其

本法而又多乖戾

隋書五行志易以八卦定吉凶書以九疇論休咎春

秋以災祥驗行事漢時有伏生董仲舒京房劉向之

倫能言災異六經有足觀者

初學記伏生爲尚書傳四十一篇歐陽大小夏侯傳

其學各有能名是曰今文尚書劉向五行傳蔡邕勸

石經皆其本

舊唐書經籍志尚書暢訓三卷伏勝注案曰尚書大

傳此書暢訓當爲略說形近之誤三卷當爲一卷此伏

生所撰不可謂注舊志此條多謬新唐書亦然第新

書列大傳三卷又出暢訓一卷疑舊志尚有脫誤

尚書洪範五行傳論十一卷劉向撰

唐書藝文志伏勝注大傳三卷暢訓一卷 劉向洪

範五行傳論十一卷

冊府元龜顧彪撰大傳音三卷

崇文總目尚書大傳三卷漢濟南伏勝撰後漢大司

農鄭玄注伏生本秦博士以章句授諸儒故博引異

言援經而申證云見文獻通考

中興書目鄭康成敘曰蓋自伏生也伏生爲秦博士

至孝文時年且百歲張生歐陽生從其學而授之音

聲猶有譌誤先後猶有差舛重以篆隸之殊不能無

失生終後數子各論所聞以己意彌縫其闕別作章

句又特撰大義因經屬指名之曰傳劉子政校書得

而上之凡四十一篇至平始詮次爲八十三篇見王

郡齋讀書志尚書大傳三卷右秦伏生勝撰鄭康成

注下與中興書目同今本四卷首尾不倫

直齋書錄解題尚書大傳凡八十有二篇當是其徒

歐陽張生之徒雜記所聞然未必當時本書也印板

利闕合更求完善本

葉夢得曰自安國學行歐陽氏遂廢今世所見惟伏

生大傳首尾不倫言不雅馴至以天地人四時爲七

政以金勝作於周公殺後何可盡據其流爲劉向五行傳夏侯氏災異之說失孔子本意蓋遠

遂初堂書目尚書類尚書大傳卷三
不注

文獻通攷經籍攷尚書大傳卷三

通志藝文略伏生大傳三卷
鄭玄注 洪範五行傳論

十一卷漢光祿大夫劉向 五行傳記一篇
漢許商

宋史藝文志伏勝大傳三卷鄭玄注

宋史李壽傳尚書大傳雜記一卷

孫退谷承澤庚子銷夏記唐王維伏生圖摩詰妙畫

傳世者人止知有江干雪霽圖余曾一見之乃後人

隔本至人物之妙有非唐人所能及者伏生圖一老

儒生伏几而坐手持一卷乃授經圖也宋高宗題簽

云王維寫濟南伏生上用乾卦小圖璽卷舊在金陵

黃琳家顧遜園客座贊譚載都元敬嘗在黃美之家

見此圖驚嘆不置不知何年入故內今復傳出

劉體仁公藏七頌堂識小錄伏生圖席地憑几短鬚

雞皮真九十老人而眉目靜遠則大儒也宣和題王

維寫伏生數字字極楷上用乾卦印背亦精絹裝

朱彝尊王維伏生圖跋右王維所畫伏生上有朱思

陵題字庚戌十月觀于退谷孫侍郎齋生濟南人也

子遊濟南于長白山之陰相生墓案日本經注漢水

云云見其祠宇虛隘至不容處凡有司性醜歲時

之饗或闕焉不修世人無知重生者蓋經學之不明

久矣思秦之時書生訟言封禪致有坑儒之禍生爲

秦博士得免其明哲有過人者及漢興隱士負一時

之望莫若商山四皓初未聞講習經義傳之弟子則

其年雖八十餘衣冠甚偉與土木何異生獨能于微

言既絕之時教學齊魯老而益勤卒傳之晁錯斯文

未喪天若有意于生而錫之年者百世之後宜師其

人而識其貌焉維之所畫特想像爲之而已然藝事

既神其精思所感必或見之觀是圖者不問知其爲

生此思陵所以寶惜而親題之也世之法書善畫多

祕之內府人既未得觀間復流傳于世藏之者非其

人則觀者亦取非其人此書畫之厄也是圖之得歸

孫氏非至幸與

再題王維伏生圖是圖庚戌冬觀于北平孫侍郎塾

室因跋其尾既而歸于棠邨梁相國今爲漫堂宋公

所藏主雖三易不墮素會之賈師憲嚴惟中之手濟

南生亦幸矣校中與書目館閣續錄按日本經注漢水 維

所畫濟南伏生圖曾歸秘閣儲藏故宋元以來題跋

獨少宋公定爲真蹟知孫梁二公賞鑒略同也

案日宣和

畫譜王維寫濟南伏生像亦見清河書畫訪

建立伏博士始末

載陽湖孫氏平津館叢書

嘉慶元年十二月十一日署按察使司孫谷山東學

院曹爲谷呈事本司查

國家擇先聖賢之後置五經博士授以世職所以崇儒重道典禮優渥其制仿自明景泰時歷代增置至我

朝修明祀典自孔門十哲上溯周公旁及關雎下至宋儒皆爲置立五經博士至周至備考刻朝五經博士之設或以制禮作樂或以身通六藝或以闡揚道統惟漢代諸儒承秦絕學之後傳授經文經義去古不遠皆親得七十子之傳若伏生鄭康成其功在經學絕續之際較七十子爲難又迥在唐宋諸儒之上今世祠墓子孫現在本屬鄒平高密之境允宜會同貴院將二賢學行奏請

國家予以曠典以昭先賢傳道之報考尙書出於伏生壁藏又口授其義始有今文廿八篇顯於世及孔壁得古文書孔安國以今文讀之其無今文可証者凡十六篇竟不能讀又無能註者謂之逸書存于故

府今之孔傳梅賾所上非孔壁古文朱文公疑之是漢無伏生則尙書不傳傳而無伏生亦不明其義卽古文書後出孔壁無伏生之今文亦不能識讀是伏生一人爲唐虞三代微言道統之所寄今鄒平有伏氏諸城有宓氏皆其後也鄭康成爲東州大儒於易書詩禮論語孝經皆有傳註

欽定諸經義疏多引鄭注唐儒正義推闡其說宋儒章句沿襲其詞至乎三代禮儀服物典章周程張朱註解不出鄭註範圍亦或遙其精密故范史以孔書遂明稱之核其行事見于史傳亦無可議今其祠墓子孫現在高密前學院阮曾加修葺又爲設奉祀生或以前代置五經博士重在道統不知道存乎經統本于堯舜禹湯文武伏生不傳尙書道何所存統何所述東晉板蕩經師失傳諸經之義豈能臆說賴鄭康成集漢儒之大成經義無康成則淵源幾絕唐宋諸儒何由復傳道統幸值我

國家久道化成興廢繼絕伏生鄭康成祠墓子孫適在東省地方官自宜陳請增置五經博士以爲世職維學院有激揚風化之責事關崇奉先賢本司不便專政爲此咨呈貴院挈本司銜名具稿上聞並祈指

正裁奪賜覆施行

嘉慶三年十二月初三日鄒平縣知縣李詳濟南府金爲查明先賢嫡裔詳請承襲以隆祀典事卷查嘉慶二年正月初四日蒙本府票內開一件爲咨呈事嘉慶元年十二月十六日蒙學院曹牌開嘉慶元年十二月十一日據署臬司孫咨稱先儒伏生鄭康成宜陳請增置五經博士等情到院查五經博士承襲定例由藩司核議詳請撫部院具題咨部辦理茲據呈請增設事關題請應飭該地方官查明伏生鄭康成嫡裔開造事實清冊妥議通詳等因到府合行轉飭又於嘉慶三年五月二十一日蒙本府憲票前事內開本年五月十二日蒙布政司票開前准臬司咨查先儒伏生後裔伏氏係鄒平縣人增置五經博士以光祀典等因當經抄錄行查去後迄今日久未據詳覆合行飭催等因到縣蒙此遵卽差查去後嗣據卑縣伏生鄉伏中興同伏敬祖呈稱爲遵諭陳明懇恩轉詳事切身始祖名勝爲秦博士及漢文時口授傳今文尙書宋咸平三年追封乘氏伯居古濟南城東闕今祠墓在鄒平城耆十八里二世三世四世名諱無考至五世祖孺當漢武時客東武因家焉

六世七世亦無考八世祖名理當代名儒受詩千匡衡九世祖名湛漢成時拜大司徒封陽都侯家藏宗圖二世三世四世以及六世七世闕名與漢書所載伏氏世系適相符合實無從再爲確查闕文十世祖名翕爲湛之子亦嗣陽都侯爵至十六世祖典當漢獻時國除累世傳至元代有名伏步者當順帝末年青州府屬縣兵荒特甚遷居鄒平北鄉載在家乘步係始祖四十六世孫湛祖三十八世孫此回籍鄒平之始祖也又傳至六十一世名永芳前任縣主程於康熙三十五年選爲奉祀乾隆十一年前任縣主雷又選身父名紹先爲奉祀均蒙賜給縣文可驗又傳至身爲始祖六十三世孫身姪孫爲始祖六十五世孫現今蒙各憲飭查後裔宜陳請增置五經博士身年已老邁不堪承襲身姪孫敬祖年十歲現在從師肄業於嘉慶元年奉祀陪祭爲始祖六十五世孫爲湛祖五十七世孫守墓祭奠歷經數百年矣理合將遷徙回籍緣由懇請轉詳上憲奏請授敬祖世襲五經博士以昭二千餘年曠典伏祈恩准轉詳計粘呈宗圖一紙等情據此卑職會同儒學覆查無異該鄒平縣知縣李瓊林查看得奉憲

飭查先儒伏生後裔請增置五經博士一案緣伏生名勝爲秦博士及漢文時口授今文尙書至宋咸平時追封乘氏伯居古濟南城東關今祠墓在卑職城北十八里伏生鄉春秋官爲致祭伏生五世孫伏儒漢武時遷居東武卽今之青州府屬也載在漢書至元代有召伏步者係伏生四十六世孫當順帝末年值青屬兵荒遷居卑縣城北伏生鄉累世相傳至六十一世名永芳康熙年間前任程令選爲奉祀令其陪祭至乾隆十一年間前任雷令又選六十二世孫伏繼宗之兄伏紹先爲奉祀生均未詳給部照今紹先之子伏中興係伏生六十三世孫現在年老務農不能承襲惟查六十五世孫敬祖年甫十齡從師讀書克承儒業卑職伏思

國家崇儒重道凡先賢後裔咸增置五經博士以昭曠典今查先儒伏生自秦火之後口授尙書今文二十八篇以顯於世是漢無伏生則尙書不傳傳而無伏生亦不明其義誠如前臬憲所咨伏生一人爲唐虞三代微言道統之所寄允宜選擇嫡裔早爲承襲以昭褒崇盛典今查伏敬祖是否係伏生嫡派長支長孫除宗圖之外別無考証惟盡卑縣境內現在除

伏繼宗伏中興伏敬祖三人並無伏姓其人則伏敬祖爲伏生嫡派似無疑義應請卽令伏敬祖承襲五經博士以符

盛典緣奉飭議理合取具宗圖並地隣尸族甘結造具履歷清冊加具印結會同儒學具文詳請憲臺察核施行

嘉慶五年十二月初十日布政使司全詳巡撫部院惠爲詳請增設五經博士以光祀典事嘉慶五年四月初三日蒙前巡撫部院蔣批據鄒平縣先儒伏生增設五經博士緣由蒙批查增設五經博士事關鉅典未便草率據詳先儒伏氏祠墓子孫俱在該縣城北有無碑誌書籍考証其祠堂建始何年現在作何修理墓道何所曾否設有奉祀生現在本支人數若干詳內均未查明聲敘礙難核辦仰布政司轉飭詳細確切查明祠墓實據取具世系宗譜圖說詳請察奪仍候學院批示繳等因批司蒙此當經錄批轉飭詳查祠墓實據去後茲據濟南府知府德生詳據鄒平縣知縣李瓊林詳稱遵卽覆查據卑縣伏生鄉伏繼宗呈稱緣身始祖名勝前爲秦博士宋咸平二年追封乘氏伯爵配享

聖廟東廡墓在鄒平縣城北一十八里伏生鄉卽今縣誌所載古濟南郡東闕也其祠之創建年遠莫稽墓前碑記至順二年重修禮部尙書張起巖撰文後歷元明以及

國朝重修數次俱有縣誌碑文可考縣誌內載伏墓林煙圖爲邑十六景之一又載墓有牆旁有祠祠旁有書院爲朔望講學之所今墓與書院俱廢僅有墓址墓道碑在鄒邑城東七里舖東西大路北與墓南北對值相隔十八里墓東南旁現有祠三間東西書樓二座祭庭三間大門一座查漢書載伏生世系始祖名勝卽傳經之伏生二世無名三世有記載無名四世無名五世名儒武帝時客東武因家焉六世七世俱無名八世名理當代大儒以詩授成帝至湛爲始祖九世孫光武徵拜大司徒封陽都侯漢書與身家所傳譜系相合雖有闕名實足信古而傳後且嘗考家乘圖說有始祖四十六世孫名步爲身十七世祖當元朝末年自青歸鄒世守祠墓治祭陪祭已數百餘年至康熙三十五年前任縣主程選身父名永芳爲奉祀名載重修碑記乾隆十二年前任縣主雷又選身堂兄名紹先爲奉祀給縣印札實未領有

部照紹先係現在詳請承襲五經博士伏敬祖之曾祖也現今本支人數身爲始祖六十二世孫外惟姪曾孫敬祖爲始祖六十五世孫身年七十六歲無子嗣敬祖年十歲祖父皆沒從師溫習四書並熟易書詩三經則爲秉氏伯嫡裔大宗堪充添設五經博士選者止有敬祖一人身伏思傳經支葉閱二千餘年之久僅存此一老一幼零丁孤獨如一線之未絕耳懇恩轉詳計粘宗圖一紙等情據此卑職覆查無異擬合取具宗圖具文詳請本府核轉等情到府卑府覆查無異擬合將送到宗圖冊結轉詳本使司核轉等情到司據此該本使司查得先儒伏生爲有漢大儒口授尙書于秦火之餘厥功甚鉅似宜選擇嫡裔承襲博士以光祀典茲據濟南府縣查明伏生六十五代孫伏敬祖克承儒業堪膺充補五經博士之職取造冊結宗圖前來理合備由具文詳請憲臺察核施行

嘉慶七年正月十九日山東巡撫和疏題爲請詳增設五經博士以光祀典事云云該臣看得先儒伏生爲有漢大儒口授尙書于秦火之餘厥功甚鉅似宜選擇嫡裔承襲博士以光祀典今據布政使吳俊詳

稱據濟南府行據鄒平縣查明伏生六十五代孫伏敬祖克承儒業堪以充補五經博士之職取造冊結宗圖墨揭碑文並伏生所載縣誌文記詳送到司擬合詳情會核具題等情呈詳前來臣覆查無異除冊結宗圖墨揭碑文記送部外謹會同學政臣劉合詞具題伏祈

皇上睿鑒

勅部議覆施行謹會題請

旨

嘉慶七年四月初二日禮部疏題前事云云該臣等議得自古先賢鉅儒博考經濟垂世立教或顯達未及其身斯旌揚宜歸於後茲據該撫疏稱先儒伏生六十五代孫伏敬祖請設爲五經博士等語臣等伏查伏勝爲秦博士秦時焚書六經幾至息傳漢孝文時求能治尚書者天下無有賴伏勝口授尚書於晁錯自是典謨舊誥之文藉以不墜其傳經之功甚鉅既據該撫查明伏勝祠墓碑記遺蹟尙存嫡派子孫世系可考似應添設世襲五經博士一員以廣醇庸之典以昭

崇文之治應如該撫所請伏勝六十五代孫伏敬祖

立爲五經博士先行咨部註冊俟伊年及十五以上給咨送部考試驗其文理明順再行題請承襲咨吏部給劄恭候

命下之日行文吏部並該撫查照辦理臣等未敢擅便謹題請

旨本月初四日奉

旨依議欽此

嘉慶十年十二月十七日禮部疏題爲請

旨事准前任山東巡撫全保咨稱前准禮部議覆前任山東巡撫和宣題請伏生後裔添設五經博士一疏內開伏勝六十五代孫伏敬祖應請立爲五經博士俟年及十五以上給咨送部考試再行題請承襲等因於嘉慶七年四月初二日題初四日奉

旨依議欽此欽遵在案今據署布政司金光梯詳稱據濟南府詳據鄒平縣查明應襲五經博士伏敬祖年十七歲應令赴部考試取具印甘各結呈送轉請給咨赴部考試等情詳送前來理合給咨該博士親賁赴部投遞考試等因移咨到部該臣等議得例載先儒後裔應承襲五經博士人員年十五歲以上者由該省督撫給咨赴部考試如果文理明順題准承

襲等誦查先儒後裔前經臣部于嘉慶七年題准添設五經博士俟伊六十五代孫伏敬祖年及十五以上該撫送部考試驗其文理明順再行題請承襲等因在案今據前任山東巡撫全保咨稱伏勝後裔伏敬祖現年十七歲例應送部考試前來經臣部考試得伏敬祖文理明順與承襲之例相符應准其承襲五經博士恭候

命下臣部行知吏部照例給劄臣等未敢擅便謹題請

旨本月十九日奉

旨依議欽此

重修伏生祠記

暴秦焚滅經籍欲愚黔首黔首固未可愚祇自愚以速滅亡而經籍之在人心者如日月之揭乎天固亦不可得而滅也噫秦灰已冷漢業事新孰謂禍難散亡之餘間有伏生歸然久存獨能壽遺經於胸臆以傳來學而新生民之耳目哉是蓋天相斯人界之以九十之年而其所以託之者有在也濟南鄒平縣治東北十餘里號伏生鄉伏生之墓在焉即墓所有祠歲久弊漏縣尹大盧曹明叔視事之歲躬拜祠下願

瞻徘徊瞻先賢之所藏仰遺像之有託慨然興懷營修完飾輪奐一新率邑人士與凡在官者具牲醴以祀復專其子獻來請曰願有述起巖緬維先生之有功於斯文天下所共知後世論次其功贈乘氏伯號曰大儒從享孔廟天下通祀惟鄒以其鄉獲私展其敬既列祠縣學又卽墓建祠其趨向可知也會曹尹復能崇墓葺祠俾邑人益知有以景仰前哲而進于學於以化民成俗是真能舉其職矣起巖濟產也聞其請故不敢辭既書其事因附所見俾來者有攷仍繫以銘按漢儒林傳伏生名勝爲秦博士壁藏書以避禁兵後亡數十篇獨以二十九篇教于齊魯文帝欲召時年已九十餘老不能行詔掌故晁錯往受之衛宏云伏生老不能正言言不可曉使其女傳語敎錯孔安國書序但云失其本經口以傳授藝文志尙書二十九篇乃其所受者漢儒謂之今文隋經藉志乃云伏生口傳二十八篇作書傳四十一篇以授同郡張生張生授千乘歐陽生歐陽生授倪寬寬授歐陽之子世傳至曾孫高謂之歐陽學又張生傳夏侯都尉有大小夏侯學宋葉夢得以書出伏生者二十三篇傳歐陽歆崇文總目尚書大傳二卷爲伏勝撰

晁氏以爲勝終之後歐陽生張生各誦所聞特撰大

義名之曰傳其說互有不同要之今文尙書出於伏

生者則一也先生爲秦博士秦坑儒無所施其學其

學至漢始傳然則先生之學既施於漢而名以顯於

後世故余不繫之秦而繫之漢題曰漢濟南伏先生

祠碑云銘曰於維先生始焉則屯終焉則亨獨抱遺

經以淑後人以慰幽貞行法俟命天錫耄年庸待治

平竟以所授列於學宮其道大明書以人傳人以書

顯垂萬世名稽古之力斯文與俱茲不曰榮從祀孔

廟徧於寰區固不敬承矧茲梁鄒鄉墓攸在礪世作

程沉沉亢局體魄斯安祠以安靈茂宰尙賢有壞必

葺通觀厥成於鄉於學祀享相望閱千百齡穹碑有

銘被之絃歌用侑爾牲元至順二年禮部尙書張起

巖撰

尙書大傳

漢徵君濟南伏勝撰 大司農北海鄭元注

論議表

唐傳

案曰國學紀聞卷二云大傳說堯典

堯典

堯年十六以唐侯升爲天子遂以爲號

案曰堯典正義云禹檢書傳無帝堯即位

之年則此似非伏生大傳文疑出書緯

辨章百姓 見毛詩宋致正義與注

辨章百姓百姓昭明 案辛雅識前集引尙

主春者張昏中可以種穀主夏者火昏中可以種黍

王秋者虛昏中可以種麥主冬者昴昏中可以收歛

以上見禮書卷三十五尙書堯典正義又周禮司寇

氏疏引發作援收歛下多蓋藏二字黍下多穀字又

周禮考工記疏北堂書鈔太平御覽二百一十時序部

六八百三十八百穀部二八百四十二百穀部六並

案曰太平御覽時序部引又仁引尙書考靈

曜曰鳥星爲春候火星爲夏期專陽相助同情感

符虛星爲秋候畢星爲冬期陰氣相佐德乃弗邪

子助母收母合子符鄭康成注虛星北方宿也最

星西方宿也陰精母也禮記月令正義引尙書考

靈曜曰主春者鳥星昏中可以種稷主夏者心星

昏中則入山可以斬伐具器械主冬者昴星昏中

坐視四星之中者而知民之緩急急則不賦力役

尙書大傳卷一上 受業嘉應吳蘭修校

衛訓張昏中則務種穀大火中則種黍稷虛中則種宿麥昂中則收斂蓄積伐薪木此即本大傳秋昏虛星中可以種麥注虛北方平武之宿八月昏

中見於南方齊民要術

主冬者昴昏中可以收斂田獵斷伐當上告之天子

而下賦之民故天子南面而視四星之中知民之緩

急急則不賦籍不舉力役故曰敬授人時此之謂也

注籍公家之常徭太平御覽二十六時序部十一又

紀十一

東方者何也勅方也物之動也何以謂之春春出也

故謂東方春也太平御覽十八時序部三又藝文類聚三

春出也萬物之出也廣韻十

南方者何也任方也任方者物之方任何以謂之夏

夏者假也吁茶萬物養之外者也故曰南方夏也御覽

二十一時序部六

夏者假也吁茶萬物而養之外也注吁茶讀曰噓舒

事類賦注未

西方者何也鮮方也鮮訊也訊者始入之兒始入者

何以謂之秋秋者愁也愁者萬物愁而人也故曰西

方者秋也注秋收斂兒御覽二十四時序部九

案曰愁當如禮記作字之誤注秋字亦當作字

北方者何也伏方也伏方也者萬物伏藏之方伏藏

之方則何以謂之冬冬者中也中也者萬物方藏於

中也故曰北方冬也陽盛則吁茶萬物而養之外也

陰盛則呼吸萬物而藏之內也注吁茶氣出而溫呼

吸氣入而寒溫則生寒則殺也故曰呼吸也者陰陽

之交接萬物之終始御覽二十六時序部十一又藝文類聚三記纂淵海卷三節引

又事類賦五

中春辯秩東作中夏辯秩南譌中秋辯秩西成中冬

辯在朔易周禮馬相氏注賈公

便秩東作史記五帝紀集解引尚書傳

便秩東作史記五帝紀集解引尚書傳

便在伏物史記五帝紀集解引尚書傳

分命和仲度西曰榜穀周禮楚人注賈疏云

寅饒人日辯秩而成傳曰天子以秋命三公將率選

士厲兵以征不義決獄訟斷刑罰趣收斂以順天道

以佐秋殺御覽二十四時序部九

辯在朔易日短朔始也傳曰天子以冬命三公謹蓋

藏閉門閭固封境入山澤田獵以順天道以佐冬固

藏也御覽二十四時序部十一

案曰伏生尙書大傳引書曰短下無星

罪一字或傳寫失之或以日短斷句

注 否不也 文選羽獵賦注引鄭元尚書大傳注○案曰此疑否德之注

孔子對子張曰男子三十而娶女子二十而嫁女二

十而通織紉績紡之事黼黻文章之美不若是則上

無以孝於舅姑下無以事夫養子也 周禮媒氏疏無女二十而四宇

通典五十九嘉禮四○又毛詩標有梅正義

婦人八歲備數十五從嫡二十承事君子 公羊隱七年解詁徐

疏云書傳文

孔子曰舜父頑母嚚不見室家之端故謂之鰥 毛詩序正義引唐傳又尚書堯典正義通鑑前綱帝堯七十載注○堯典正義曰鰥者無妻之名不拘老少書傳以舜年尚少為之說耳

男三十而娶女二十而嫁書有鰥在下曰虞舜 大戴禮本

命篇盧辨注

舜生姚墟 風俗通山澤第十謗案尚書云云姚墟在濟陰城陽縣

案曰尚書無此文此蓋尚書傳文

昔舜耕于歷山陶于河濱 **注** 歷山在河東 毛詩魏謬正義又尚書大禹

正義又尚書大禹

注 歷山在河東今有舜井 水經狐子水注御覽四十地部七井作墓引鄭元

云

販于頓丘就時負夏 史記五帝紀索隱又御覽八

百二十九食產部九引上句

舜漁于雷澤之中 **注** 雷夏沈州澤今屬濟陰 史記五帝紀集

帝紀集

解御覽七十二地部三十七又八百三十三食產十三引傳

正月上日受終于文祖在旋機玉衡以齊七政齊中

也七政者謂春秋冬夏天文地理人道所以為政也

道正而萬事順成故天道政之大也旋機者何也傳

曰旋者還也機者幾也微也其變幾微而所動者大

謂之旋機是故旋機謂之北極受謂舜也上曰元日

御覽二十九時序部十四又史記五帝紀正義天官書索隱○玉衡天文十四引大傳與此不同蓋漢

案曰隋書天文志引尚書攷靈曜璇璣中而星未中為急則日過其度月不及其宿璇璣未中而

星中為舒舒則日過其度月不及其宿璇璣未中而星中為調調則風雨時庶神靈而百穀登萬事

康也玉衡天文門引此文首有昏明主時乃命中心星者九字是書緯言在旋機以定中星之故也

注 渾儀中筒為旋機外規為玉衡也 史記天官書索云傳

萬物非天不生非地不載非春不動非夏不長非秋

不收非冬不藏故書曰煙于六宗此之謂也 **注** 煙祭

也字當為禋馬氏以為六宗謂日月星辰泰山河海

也經曰肆類于上帝禋于六宗望秩于山川徧于羣

神月令天子祈來年于天宗如此則六宗近謂天神

也以周禮差之則為星辰司中司命風師雨師也 御覽

十八時序部三儀禮經傳通解卷二十六上固事之祭○又御覽五百二十八禮儀部七續漢祭祀志中

引北堂書鈔

引並無注

案曰注司中宋本御覽作司人非煙書作淫路史
徐論五云禮于六宗大傳作煙則事止燔燎燭此
大傳字从火旁至作煙故鄭注直釋之曰祭也周
禮大宗伯疏引尚書洛誥注云禮芬芳之祭康成
注周禮以禮祀昊天上帝云禮之言煙周人尚
臭煙氣之臭聞者也鄭據書堯典煙于六宗之
文以解禮也他書誤爲煙字則注語不可通矣史
晨祀孔子廟碑以供煙祀樊毅修西菴廟記莫柴
煙煙西京賦升高煙于太乙號
交輝碑煙于六宗與大傳合

古者圭必有冒言不敢專達之義也天子執冒以朝
諸侯見則覆之注君恩覆之臣敢進人疏

古者圭必有冒言下之必有冒不敢專達也天子執
冒以朝諸侯見則覆之故冒圭者天子所與諸侯爲

瑞也瑞也者屬也無過行者得復其圭以歸其國有
過行者雷其圭能改過者復其圭三年圭不復少黜

以爵六年圭不復少黜以地九年圭不復而地畢此
所謂諸侯之朝於天子也義則見屬不義則不見屬

禮書五十二又御覽八百六珍寶部五
文獻通考節引雷其圭下指三年二字

天子執瑁以朝諸侯見則覆之故圭瑁者天子所與

諸侯爲瑞也瑞也者屬也諸侯執所受圭與瑁以朝

於天子無過者得復其圭以歸其國其餘有過者雷

其圭能正行者復還其圭三年圭不復少黜以爵六
年圭不復少黜以地九年圭不復而地削此謂諸侯
之朝于天子也義則見屬不義則不見屬

白虎通文
質篇又略

史後紀十二山室考索
演繁露玉海並節引

古者巡守以遷廟之主行出以幣帛皮圭告於祖遂

奉以載於齊車每舍奠焉然後就舍反必告奠卒斂
幣玉藏之兩階之間蓋貴命也路史後紀十二
疏化紀有虞

見諸侯問百年命大師陳詩以觀民風俗命市納賈
以觀民好惡山川神祇有不舉者爲不敬不敬者削

以地宗廟有不順者爲不孝不孝者黜以爵變禮易
樂爲不從不從者君流改衣服制度爲畔畔者君討

有功者賞之尚書曰明試以功車服以庸白虎通
通守篇
注

注百年老成人見尊之之至也路史後紀十二疏化
紀有虞引鄭康成注

舜修五禮五玉三帛廣韻人聲二
十陌帛字注

以賢制爵以庸制祿故人慎德興功輕利而興義路
史

三年一使三公絀陟公羊隱八年何休
解詁疏云書傳文

五年親自巡守巡猶循也特猶守也循行守視之辭
亦不可國至人見爲煩擾故至四獄知四方之政而

已公羊隱八年解詁疏云義典文

案曰堯典無此文蓋皆出伏生堯
典傳疏脫傳字耳今附錄於此